

**Oqaasiliortut Ataatsimiinnerat
Sisamangornermi marsip 10-anni 2011
Ilmarfimmi Oqaasileriffiup ataatsimiittarfiani.**

Peqataasut: Carl Chr. Olsen, Stephen Heilmann, Katti Frederiksen, Lotte Holm, Eva Møller Thomassen, Johannes Jerimiassen aamma Karl Møller.

Allatsi: Nuka Møller

Oqaluuserisat:

1. Tikilluaqqusineq
2. Ilisimatitsissutit

Carl Christian Olsen tikilluaqqusivoq ilisimatitsissutigalugulu Oqaasiliortunut ilaasortat nutaat Naalackersuisut februaarip 24-anni ataatsimiikkamik qinigaaffiup naanissaata tungaanut atasussatut toqqarsimagaat.

Ilisimatitsissutigattaq Oqaasileriffik suliffik ilisimatusarnermik nammineq aallutaqartoq naalackersuinermit tunngasuni KIIN-imut akisussaasuusoq aningaasanut inatsisit aqutigalugu ukiumoortumik Namminersorlutik Oqartussanit aningaasalerneqartartoq, inatsisillu malillugit Oqaasiliortut aamma oqaatsinut ataatsimiititat allaffissornikkut sullissarigai. Oqaasiliortut pisariaqartitsineq naapertorlugu aamma aalajangersimasunik suliaqartussanik suleqatigiissitaliorsinnaavoq.

3. Oqaasiliortut pillugit aalajangersakkat

Oqaasiliortut ataatsimiititaliillu pillugit inatsisit ilaasortanut agguanneqarsimasut ilaat CCO-p ilisaritippai suliassallu pingaarnerit suunersut nassuiaatigalugit. Ersarissarpaa Oqaasiliortuni akuersineq (godkendelse) atorineqarmat, uffa Nunat Aqqinut Aalajangiisartuni (NAA) aalajangiineq (autorisation) atorineqartoq. Aalajangiisnaatitaaneq tamanna sakkortungaatsiartuuvoq. Oqaasiliortut NAA-llu aalajangiigaat allanut ingerlateqqillugit suliassiissutigineqarsinnaanngillat Inuit Aqqinik Akuersisartut (IAA) akuersaat immikkut isummerfigisassaagaangata Oqaasiliortunut ingerlateqqineqarsinnaapput.

4. Oqaasiliortut suleqatigisartagaat

Oqaasiliortut suliaminnut tunngatillugu assigiinngitsunik suleqateqartarput, soorlu Nunani Avannarlerni oqaatsit pillugit siunnersuisoqatigiinnut (Nordens Sprogråd) ilaasortaataqarput, taamatuttaaq taassuma ataani ilisimatuutut suleqatigiissitami (Ekspertgruppen Nordisk Sprogråd) CCO ilaasortaavoq Stephen Heilmann sinniisussaalluni. Ukioq manna tassani qinigaaffik naasussaavoq. Taamatuttaaq Nunani Avannarlerni Oqaasiliortut Norgemi, Sverigemi, Finlandimi, Islandimi Danmarkimilu suleqatigineqartarput aamma Nunani namminersornerusoqarfiusuni soorlu Savalimmiuni, Ålandimi Saamillu Nunaanni. Naggueqativut Amerikap avannaaniittut Ruslandimiittullu aamma suleqatigineqartarput. Taakku saniatigut aamma Nunatsinni suliffeqarfiit assigiinngitsut suleqatigineqartarput.

5. Siulittaasussamik qinersineq

Carl Christian Olsen, puju siulittaasutut qinerneqarpoq.

6. Siulittaasup tullissaanik qinersineq
Stephen Heilmann siulittaasup tulliatut qinerneqarpoq.
7. Nunat Aqqinik Aalajangiisartunut ilaasortat ilaasortaaitassaannik qinersineq
Ilaasortassatut Naalackersuisunit toqqarneqareerput Tukummeq Qaavigaq, Abia Abelsen aamma Carl Christian Olsen. Oqaasiliortunut ilaasortat akornanni ilaasortassatut qinerneqarput Lotte Holm aamma Stephen Heilmann.
8. Inuit Aqqinut Akuersisartunut Oqaasiliortut ilaasortaaitassaannik qinersineq
Biskopi Sofie Petersen ilaasortaavoq. Oqaasiliortunit ilaasortat akornannit ilaasortassatut qinerneqarput Lotte Holm aamma Eva Møller Thomassen.
9. Taasariaqartut allat
 - A. INI A/S-imiit marsip arfineq aappaanni saaffiginnittoqarpoq suliffeqarfiup ataani ingerlatsisut INI Byggeteknik A/S kalaallisut taaguutissarsiortunik.

Oqaasiliortut aalajangerput INI Byggeteknik A/S kalaallisut ima taaguuteqassasoq: **INI A/S-imi Sanaartortitsisut.**

B. Tunumiusut Avannersuarmitullu allattarneq pillugu apeqqutit aalajangersakkat manna tikillugu atuuttut avataatigut peqartoqassappat, tamakku tunngaviusumik isummerfigineqartassapput.

C. Katti Frederiksenip erninerminut atatillugu sulinngiffeqarnerata nalaani sinniisussat siulliattut toqqarneqarsimasoq Johannes Jerimiassen taartaassaaq (sinniisussap tulleraa Karl Møller). Allatsit suliaanut tunngatillugu Nuka Møller Oqaasileriffimmeersoq taartaassaaq. Kattip suliat sumut killinneri pillugit Nuka ilisimatikkumaarpaa.

D. Oqaasiliortunut ilaasortanut allakkatigut nassiussisoqartillugu sinniisussat tamarmik aamma nassineqartassapput.

E. Ilaasortanngorlaat sinniisullu sulisitsisuinut allakkatigut ilisimatitsissummik nassiussisoqassaaq Oqaasiliortunut ilaasortatut toqqarneqarnej borgerligt ombudiusoq tamannalu qanoq nassataqassanersoq.

Carl Chr. Olsen
Siulittaasoq

Nuka Møller
Allatsi